



فرتوبوهن كبغساءن ملايو برساتو
PERTUBUHAN KEBANGSAAN MELAYU BERSATU
(UNITED MALAYS NATIONAL ORGANISATION)
No. Pendaftaran 676/88 (Wilayah Persekutuan)

**PERATURAN PERSIDANGAN
PERHIMPUNAN AGUNG
PERWAKILAN BAHAGIAN
DAN
PERSIDANGAN CAWANGAN
UMNO**

BERSATU - BERSETIA - BERKHIDMAT

KANDUNGAN

1. HURAIAN
2. KUASA PERATURAN
3. PEMILIHAN PENERUS
4. PERSIDANGAN
5. TEMPAT DAN MASA PERSIDANGAN
6. NOTIS PERSIDANGAN
7. PERSIDANGAN SEMULA
8. HAK MENGHADIRI PERSIDANGAN
9. ATURAN URUSAN PERSIDANGAN
10. PEMBERITAHU USUL
11. CUKUP BILANG
12. SURAT TAULIAH AHLI
13. PEMERHATI KE MESYURAT PERWAKILAN BAHAGIAN DAN PERSIDANGAN CAWANGAN
14. AGENDA PERSIDANGAN
15. PERINGATAN PERSIDANGAN
16. TANGGUHAN PERSIDANGAN
17. MENANGGUHKAN PERSIDANGAN KERANA MEMBAHAS PERKARA MUSTAHAK
18. USUL-USUL
19. USUL TERGEMPAR
20. PINDAAN USUL
21. MENYOKONG USUL DAN PINDAAN
22. PINDAAN USUL DENGAN BERTULIS
23. MENARIK BALIK USUL
24. PERKARA-PERKARA YANG DITEGAH
25. KUASA PENERUS
26. MEMBERHENTIKAN PERSIDANGAN
27. MEMUTUSKAN MASALAH PENGUNDIAN
28. KAEDAH PENCALONAN DAN PENGUNDIAN
 - A. pencalonan
 - B. Pengundian
29. BERSIDANG SECARA JAWATANKUASA
30. MENGANGKAT JAWATANKUASA PILIHAN
31. MEMBERHENTIKAN SEMENTARA KUATKUASA PERATURAN
32. PAKAIAN
33. AHLI/PEGAWAI KERAJAAN KUMPULAN A
34. MEMINDA PERATURAN

1. HURAIAN

Bagi penggunaan dan kehendak Peraturan Persidangan adalah:-

1.1	“UMNO”	bermakna	PERTUBUHAN KEBANGSAAN MELAYU BERSATU
1.2	“PERATURAN”	“	Peraturan Persidangan.
1.3	“PENCADANG”	“	Ahli yang menyokong sebarang cadangan.
1.4	“PENYOKONG”	“	Ahli yang menyokong sebarang cadangan.
1.5	“PENGERUSI”	“	Pengerusi Tetap Perhimpunan Agung UMNO.
1.6	“TIMBALAN PENGERUSI”	“	Timbalan Pengerusi Tetap Perhimpunan Agung UMNO.
1.7	“PRESIDEN”	“	Presiden UMNO.
1.8	“AHLI MAJLIS TERTINGGI”	“	Ahli Majlis Tertinggi UMNO.
1.9	“SETIAUSAHA”	“	Setiausaha Agung UMNO.
1.10	“WAKIL”	“	Seorang Ahli UMNO. Perhimpunan Agung
1.11	“AHLI”	“	Seorang Ahli UMNO. Perhimpunan Agung
1.12	“PERSIDANGAN”	“	Perhimpunan Agung UMNO.
1.13	“PERINGATAN”	“	Peringatan Perhimpunan Persidangan Agung.

Apabila Peraturan ini dipakai di peringkat UMNO Bahagian maka perkataan-perkataan yang tertentu mulai 1.5 sehingga 1.13 di atas didalam Peraturan ini hendaklah sebagaimana di bawah ini :-

“PENGERUSI”	dimaksudkan	Pengerusi Tetap Perwakilan Bahagian.
“TIMBALAN PENGERUSI”	“	Pengerusi Tetap Perwakilan Bahagian.
“PRESIDEN”	“	Ketua Bahagian
“AHLI MAJLIS TERTINGGI”	“	Ahli Jawatankuasa Bahagian.
“SETIAUSAHA”	“	Setiausaha Bahagian.
“WAKIL”	“	Seorang yang dipilih menjadi Ahli

		Perwakilan Bahagian.
“AHLI”	“	Seorang ahli dalam Perwakilan Bahagian.
“PERSIDANGAN”	“	Perwakilan Bahagian.
“PERINGATAN”	“	Peringatan Persidangan Perwakilan Bahagian.

Apabila peraturan ini dipakai di peringkat UMNO Cawangan maka perkataan-perkataan yang tertentu mulai 1.5 sehingga 1.13 di atas yang di dalam Peraturan ini hendaklah dimaksudkan sebgaimana di bawah ini:-

“PENGERUSI”	“	Pengerusi Tetap Persidangan Cawangan.
“TIMBALAN PENGERUSI”	“	Timbalan Pengerusi Tetap Persidangan Cawangan.
“PRESIDEN”	“	Ketua Cawangan.
“AHLI MAJLIS TERTINGGI”	“	Ahli Jawatankuasa Cawangan.
“SETIAUSAHA”	“	Setiausaha Cawangan.
“WAKIL”	“	Ahli-Ahli Cawangan.
“AHLI”	“	Ahli Persidangan Cawangan.
“PERSIDANGAN”	“	Persidangan Cawangan.
“PERINGATAN”	“	Peringatan Persidangan Cawangan.

2. KUASA PERATURAN

- 2.1 Pekerjaan dan tertib menjalankan Persidangan hendaklah menurut Peraturan ini. Jika berbangkit sebarang masalah, maka Pengerusi berkuasa membuat keputusan dan keputusannya itu muktamad.
- 2.2 Jika Persidangan atau mana-mana mesyuarat jawatankuasanya didapati gagal mematuhi Peraturan Persidangan maka ini hendaklah dikira sebagai suatu perkara luar aturan dan ianya tidaklah boleh membatalkan perjalanan Persidangan atau keputusan yang telah dibuatnya.

3. PEMILIHAN PENGERUSI

- 3.1 Pengerusi dan Timbalan Pengerusi hendaklah dipilih tiap-tiap (3) tahun sekali dalam Persidangan Tahunan untuk Perhimpunan Agung, tiap-tiap tiga (3) tahun sekali untuk Perwakilan Bahagian dan tiap-tiap (3) tahun sekali untuk Persidangan Cawangan. Bagi peringkat Bahagian dan Cawangan, Pengerusi dan Timbalan Pengerusi itu hendaklah terdiri

daripada ahli-ahli UMNO dalam Bahagian dan Cawangan itu sendiri. Pemilihan Pengerusi dan Timbalan Pengerusi hendaklah dijalankan dengan undi sulit tetapi di peringkat Cawangan boleh di buat dengan cara undi sulit atau mengangkat tangan mengikut kehendak Persidangan.

- 3.2 Perhimpunan Agung di dalam persidangannya berkuasa memberhentikan Pengerusi atau Timbalan Pengerusi dengan persetujuan sekurang-kurangnya dua pertiga (2/3) daripada bilangan ahli yang hadir dan berkuasa memilih gantinya.
- 3.3 Pengerusi yang dipilih di bawah Peraturan 3.1 di atas ini hendaklah menjadi Pengerusi dalam sebarang persidangan melainkan jika Pengerusi itu tidak hadir maka Timbalan Pengerusi hendaklah mengambil tempatnya atau pun bolehlah mereka bergilir-gilir mempengerusikan mesyuarat yang sama dan sekiranya kedua-dua Pengerusi dan Timbalan Pengerusi tidak hadir maka Setiausaha berkuasa menjalankan persidangan bagi memilih seorang daripada ahli persidangan menjadi Pengerusi bagi persidangan itu sahaja dan pengerusi itu tidaklah hilang hak asalnya untuk mengundi sebagai seorang wakil Persidangan.
- 3.4 Jika kedua-dua Pengerusi dan Timbalan Pengerusi berhenti serentak maka Setiausaha hendaklah menjalankan persidangan itu bagi memilih Pengerusi dan Timbalan Pengerusi yang baru.

Kedua-duanya akan memegang jawatan itu selama tempoh yang ditetapkan dalam Peraturan 3.1 di atas. Jika salah seorang daripadanya berhenti maka Persidangan hendaklah memilih gantinya.

4. PERSIDANGAN

- 4.1 Persidangan Perhimpunan Agung, mesyuarat Perwakilan Bahagian dan Persidangan Tahunan Cawangan hendaklah diadakan menurut Perlembagaan UMNO.
- 4.2 Bahasa yang digunakan dalam Persidangan ialah Bahasa Malaysia.

5. TEMPAT DAN MASA PERSIDANGAN

- 5.1 Persidangan Perhimpunan Agung hendaklah dimulakan pada hari dan waktu di tempat yang ditentukan oleh Majlis Tertinggi.
- 5.2 Mesyuarat Perwakilan Bahagian hendaklah diadakan pada satu tempat dalam Bahagian yang berkenaan, tetapi jika tidak ada kemudahan di situ maka kebenaran boleh diberi oleh Majlis Tertinggi untuk mengadakan perwakilan di luar Bahagian.
- 5.3 Persidangan Cawangan hendaklah diadakan di satu tempat yang berkecuali dalam Cawangan berkenaan, melainkan jika tidak ada kemudahan di situ maka Persidangan bolehlah diadakan di mana-mana tempat yang munasabah termasuk di luar Cawangan setelah berunding dengan Bahagian.
- 5.4 Tarikh Perhimpunan Agung dan Perwakilan Bahagian adalah ditentukan oleh Majlis Tertinggi mengikut Fasal 8.2 dan 14.3 Perlembagaan UMNO.

- 5.5 Tarikh Persidangan Cawangan adalah ditentukan oleh Bahagian setelah berunding dengan Cawangan mengikut Fasal 15.13.6 dan 17.3 Perlembagaan UMNO. Tarikh hanya boleh diubahkan oleh pihak Cawangan setelah memaklukkannya kepada Bahagian dan mendapat persetujuan.

6. NOTIS PERSIDANGAN

- 6.1 Setiausaha Agung hendaklah memberitahu Bahagian dengan bertulis sekurang-kurangnya 30 hari terlebih dahulu daripada hari diadakan Perhimpunan Agung Tahunan tetapi jika ada sesuatu yang mustahak Presiden berkuasa memanggil Perhimpunan Agung Tahunan dengan mengeluarkan pemberitahuan di dalam tempoh tidak kurang daripada 14 hari.
- 6.2 Setiausaha Bahagian hendaklah memberitahu Cawangan dengan bertulis sekurang-kurangnya empat belas (14) hari terlebih dahulu daripada hari diadakan Perwakilan Bahagian.
- 6.3 Jika dengan sebab sesuatu kesukaran tidak dapat diadakan Persidangan Perhimpunan Agung atau Perwakilan Bahagian pada hari yang ditentukan itu, maka bolehlah persidangan itu ditangguhkan pada hari dan waktu yang ditetapkan oleh Presiden atau Ketua Bahagian. Setiausaha Agung atau Setiausaha Bahagian hendaklah memberitahu dengan bertulis kepada wakil-wakil dalam masa tidak lewat daripada tujuh (7) hari terlebih dahulu daripada hari yang telah ditentukan itu bagi mengadakan Persidangan semula.
- 6.4 Setiausaha Cawangan hendaklah memberitahu Ahli-ahli dengan bertulis sekurang-kurangnya tujuh (7) hari terlebih dahulu daripada hari diadakan Persidangan Cawangan.
- 6.5 Cawangan-cawangan yang ditangguhkan Persidangan Tahunannya atas sebab-sebab tertentu notis (7) hari bagi mengadakan Persidangan semula.

7. PERSIDANGAN SEMULA

- 7.1 Bahagian-bahagian atau Cawangan-cawangan yang gagal mengadakan mesyuarat Perwakilan Persidangan Tahunan pada tahun yang lalu bolehlah mengadakannya semula sekiranya ia telah menjelaskan yuran bagi tahun yang baru berlalu dan berhak menghantar wakil-wakilnya ke Perhimpunan Agung atau Perwakilan Bahagian.
- 7.2 Bahagian-bahagian atau Cawangan-cawangan yang gagal mengadakan mesyuarat Perwakilan/ Persidangan Tahunan pada tahun pemilihan, Jawatankuasanya adalah bubar. Maka Majlis Tertinggi atau Jawatankuasa Bahagian berkuasa mengadakan mesyuarat Perwakilan Khas Bahagian atau Persidangan Khas Cawangan bagi memilih jawatankuasa baru yang akan memegang jawatan sehingga pemilihan Bahagian atau Cawangan akan datang.
- 7.3 Perwakilan Pemuda /Wanita Bahagian atau Persidangan Pemuda/Wanita Cawangan yang ditangguhkan atas sebab-sebab tertentu, boleh

mengadakan Perwakilan atau Persidangan semula walaupun terkemudian daripada tarikh mesyuarat Perwakilan Bahagian atau Persidangan Cawangan asalkan tidak lewat daripada tarikh yang ditetapkan oleh Majlis Tertinggi.

8. HAK MENGHADIRI PERSIDANGAN

- 8.1 Hanya ahli biasa dan ahli seumur hidup yang telah menjelaskan yuran pada tahun lalu berhak hadir dan mengambil bahagian dalam sebarang Persidangan.
- 8.2 Ketua Cawangan yang enggan terima yuran tahunan daripada ahli boleh dikenakan tindakan tatatertib.
- 8.3 Merujuk fasal 25.1, yuran keahlian seumur hidup boleh dibayar terus ke ibu pejabat dan ibu pejabat mengagihkannya seperti berikut :-
- | | | |
|-----------------|---|-----|
| (a) Ibu Pejabat | - | 25% |
| (b) Bahagian | - | 25% |
| (c) Cawangan | - | 50% |
- Peraturan ini juga diguna pakai untuk yuran ahli biasa.
- 8.4 Cawangan-cawangan yang baru ditubuhkan dan telah menerima Sijil Pendaftaran pada/atau 31 Disember, dalam satu-satu tahun berhak mengadakan Persidangan pada tahun berikutnya dan menghantar wakil penuh ke Perwakilan Bahagian. Demikian juga Cawangan Pemuda dan Wanita yang baru ditubuhkan dan telah mengadakan persidangan berhak menghantar wakil ke Perwakilan Bahagian Pergerakan masing-masing.
- 8.5 Ahli-ahli yang Cawangannya telah dibubarkan oleh Pendaftaran Pertubuhan, bolehlah membayar yurannya terus kepada Bahagian atau berpindah ke sebarang Cawangan lain untuk membolehkannya membayar yuran dan menghadiri persidangan serta bertanding untuk menjadi wakil atau memegang jawatan di sebarang peringkat.
- 8.6 Seseorang yang telah diisytiharkan muflis oleh mahkamah boleh menghadiri Persidangan sekiranya ia telah membayar denda ke atasnya. Bagi ahli yang dikenakan tindakan di bawah Akta Pertubuhan, ia hilang hak untuk hadir dan mengambil bahagian dalam Persidangan sebelum cukup lima (5) tahun keluar dari penjara atau tarikh ia dikenakan denda.
- 8.7 Bahagian-bahagian atau Cawangan-cawangan yang menghantar yuran lewat mengikut tarikh yang ditetapkan oleh Majlis Tertinggi boleh mengadakan mesyuarat Perwakilan Bahagian atau Persidangan Tahunan Cawangan tetapi wakil-wakilnya ke Perhimpunan Agung atau Mesyuarat Perwakilan Bahagian itu bertaraf pemerhati sahaja.
- 8.8 Jika Cawangan gagal mengadakan Persidangan Tahunannya, tidak menyebabkan Persidangan Pergerakan Pemuda atau Wanita yang diadakan tidak sah dan adalah berhak menghantar wakil-wakilnya ke Mesyuarat Perwakilan Pemuda atau Wanita Bahagian.

9. ATURAN URUSAN PERSIDANGAN

- 9.1 Setiausaha hendaklah memberitahu dengan bertulis kepada tiap-tiap ahli sekurang-kurangnya tujuh (7) hari terlebih dahulu daripada Persidangan susunan agenda perkara Persidangan berserta dengan cadangan-cadangan, akan tetapi jika ada sebab-sebab yang mustahak pada fikiran Presiden susunan agenda perkara Persidangan ini bolehlah dihantarkan tidak lewat daripada tiga (3) hari.
- 9.2 Urusan Majlis Tertinggi hendaklah didahulukan daripada urusan-urusan lain dan urusan Majlis Tertinggi hendaklah diaturkan mengikut sebagaimana yang baik pada pertimbangan Pengerusi tetapi dengan tidak mengendahkan sebarang syarat lain dalam peraturan Persidangan boleh menentukan sesuatu kerja itu didahulukan dengan tidak mengikut susunan yang telah ditetapkan.

10. PEMBERITAHU USUL

- 10.1 Kecuali sebagaimana yang diisyaratkan dalam Peraturan Persidangan apa-apa usul hendaklah disampaikan pemberitahu itu tidak kurang daripada empat belas (14) hari terlebih dahulu tetapi jika usul itu atas nama Majlis Tertinggi maka memadai dengan dikeluarkan pemberitahu tujuh (7) hari sahaja terlebih dahulu, dan pula jika Pengerusi puas hati setelah diterangkan kepadanya oleh seseorang Ahli Majlis Tertinggi iaitu bagi faedah orang ramai sesuatu usul itu mustahak dibahaskan dengan seberapa segeranya maka memadai dikeluarkan pemberitahu itu pada hari persidangan itu.
- 10.2 Jika pada fikiran pengerusi, sesuatu pemberitahu yang diterima oleh Setiausaha itu melanggar apa-apa syarat Peraturan Persidangan ini Pengerusi bolehlah memerintah memerintah pemberitahu itu dipindah atau ditolak.
- 10.3 Dengan tertakluk kepada syarat-syarat dalam usul atau pindaan-pindaan hendaklah diserahkan kepada Setiausaha dengan bertulis.

11. CUKUP BILANG

- 11.1 Cukup bilang bagi Persidangan Perhimpunan Agung, Perwakilan Bahagian dan Persidangan Cawangan ialah satu perempat (1/4) daripada jumlah wakil-wakil atau ahli yang berhak hadir.
- 11.2 Sekiranya tidak cukup bilang selepas setengah jam lamanya waktu yang ditetapkan, maka Pengerusi hendaklah menangguhkan Persidangan itu kepada satu masa yang lain, tetapi sekiranya ada sebab-sebab yang mustahak bolehlah Pengerusi menjalankan Persidangan itu setelah berunding dengan Presiden/Ketua Bahagian/Ketua Cawangan dan keputusan Pengerusi adalah muktamad.
- 11.3 Sungguhpun cukup bilang bagi Persidangan ialah satu perempat (1/4) daripada jumlah ahli yang berhak hadir, khususnya bagi Persidangan Cawangan hendaklah terdapat sekurang-kurangnya lapan belas (18) orang

PERATURAN PERSIDANGAN

bagi mengesahkan Persidangan.

- 11.4 Cukup bilang bagi Persidangan Cawangan Pergerakan Pemuda dan Pergerakan Wanita ialah sembilan (9) orang ahli pergerakan ini yang berhak hadir.
- 11.5 Perbahasan di dalam Persidangan tidak boleh dijalankan melainkan ada sekurang-kurangnya setengah daripada jumlah ahli yang menjadikan cukup bilang berada di tempat Persidangan itu diadakan.

12. SURAT TAULIAH AHLI

Majlis Tertinggi boleh membuat peraturan mengenai surat tauliah kepada ahli Persidangan dan pemerhati.

13. PEMERHATI KE MESYUARAT PERWAKILAN BAHAGIAN DAN PERSIDANGAN CAWANGAN

- 13.1 Badan Perhubungan hendaklah melantik wakil-wakil yang akan memerhati mesyuarat Perwakilan Bahagian dan membuat laporan berhubung dengannya.
- 13.2 Bahagian hendaklah melantik wakil-wakil ke Persidangan Cawangan dan membuat laporan berhubung dengannya. Wakil-wakil ini adalah terdiri daripada Ahli Jawatankuasa Bahagian atau jika tidak mencukupi bolehlah melantik Ahli Jawatankuasa Pemuda/Wanita Bahagian atau sebarang orang lain yang dipersetujui oleh Jawatankuasa Bahagian.
- 13.3 Perlantikan pemerhati-pemerhati ke mesyuarat Perwakilan Pemuda/Wanita Bahagian dan Persidangan Pemuda/Wanita Cawangan hendaklah mengikut kaedah yang sama seperti Bahagian dan Cawangan dalam Peraturan 13.1 dan 13.2 di atas.
- 13.4 Wakil-wakil yang dilantik tidak berhak mengendalikan Persidangan atau mencampuri urusannya tetapi boleh memberi pandangan atau nasihat jika diminta oleh Pengerusi Persidangan.
- 13.5 Jika atas sebab-sebab tertentu pemerhati-pemerhati yang dilantik oleh Badan Perhubungan atau Bahagian tidak dapat hadir, mesyuarat Perwakilan Bahagian atau Persidangan Cawangan boleh dijadikan dengan mengikut Peraturan Persidangan dan adalah sah.

14. AGENDA PERSIDANGAN

Agenda Persidangan ialah seperti seperti berikut :-

- 14.1 Doa
- 14.2 Lagu UMNO
- 14.3 Membentangkan Peringatan Persidangan yang lalu
- 14.4 Ucapan Presiden
- 14.5 Pesanan Pengerusi (jika ada)
- 14.6 Membentangkan Kertas-kertas Persidangan termasuk penyata-penyata

Jawatankuasa

- 14.7 Memilih Pengerusi, Timbalan Pengerusi dan Ahli-ahli Majlis Tertinggi (jika berkenaan)
- 14.8 Penerangan daripada Majlis Tertinggi (jika ada)
- 14.9 Memberitahu darihal cadangan-cadangan dibahaskan (jika ada)
- 14.10 Sebarang cadangan atau kerja yang difikirkan oleh Pengerusi patut didahulukan (jika ada)
- 14.11 Cadangan-cadangan yang telah diberitahu lebih dahulu (jika ada)
- 14.12 Tangguhan persidangan
- 14.13 Ucapan penangguhan (jika ada)

15. PERINGATAN PERSIDANGAN

- 15.1 Peringatan hendaklah dibentangkan dalam Persidangan.
- 15.2 Setiausaha hendaklah menghantar senaskhah Peringatan Persidangan yang lalu kepada tiap-tiap ahli persidangan pada bila-bila masa sebelum diadakan Persidangan.
Peringatan Persidangan hendaklah mengandungi nama tiap-tiap seorang ahli yang hadir dan segala keputusan Persidangan.
- 15.3 Cawangan-cawangan hendaklah menghantar Borang 9 bersama Minit Mesyuarat, Senarai Ahli Jawatankuasa Cawangan dan Penyata Kewangan kepada Pendaftar Pertubuhan dalam masa dua puluh lapan (28) hari selepas persidangan.

16. TANGGUHAN PERSIDANGAN

Persidangan boleh ditangguhkan pada sebarang masa oleh Pengerusi atau dengan cadangan oleh seorang ahli yang disokong dan dipersetujukan oleh Persidangan.

17. MENANGGUHKAN PERSIDANGAN KERANA MEMBAHAS PERKARA MUSTAHAK

- 17.1 Seorang ahli dengan kebenaran Pengerusi boleh mencadangkan supaya Persidangan itu ditangguhkan kerana hendak membahaskan sesuatu perkara yang mustahak.
- 17.2 Ahli itu hendaklah menyatakan perkara itu dan menyerahkan satu kenyataan bertulis kepada Pengerusi atas perkara yang hendak dibahaskan dan jika Pengerusi mendapati perkara yang dikemukakan oleh ahli itu mustahak hendaklah Pengerusi meminta ahli-ahli yang menyokong bangun ditempat masing-masing dan jika tidak kurang daripada satu perempat (1/4) daripada jumlah ahli yang hadir bangun menyokong maka Pengerusi bolehlah membenarkan perkara itu dibahaskan waktu yang ditetapkan olehnya.

18. USUL-USUL

Majlis Tertinggi berkuasa menolak usul-usul yang dibawa oleh Bahagian-bahagian daripada dibahaskan tetapi hendaklah diberi jawapan bertulis. Kuasa-kuasa itu tidak boleh digunakan terhadap usul tidak percaya dan lain-lain usul yang dibawa ke Perhimpunan Agung Khas, Perwakilan Khas Bahagian dan Persidangan Khas Cawangan.

19. USUL TERGEMPAR

Kecuali jika ada syarat-syarat lain dalam Peraturan Persidangan ini, usul-usul hendak di bawa ke dalam Persidangan hendaklah didahulukan dengan pemberitahuan kecuali usul-usul yang tersebut di bawah ini:-

- 19.1 Usul hendak meminda cadangan yang telah dikemukakan kepada Persidangan oleh Pengerusi.
- 19.2 Usul yang di bawa ke dalam Jawatankuasa
- 19.3 Usul hendak menangguhkan Persidangan apa-apa perbahasan.
- 19.4 Usul hendak mendahulukan sesuatu perkara lain dengan tidak mengikut susunan biasa.
- 19.5 Usul daripada Majlis Tertinggi yang ada pada pendapat Pengerusi sebagai mustahak.
- 19.6 Usul mencadangkan supaya perjalanan mesyuarat berkenaan dengan apa-apa urusan yang tertentu dibebaskan daripada syarat-syarat Peraturan Persidangan.
- 19.7 Sesuatu usul hendak menangguhkan Persidangan kepada lain hari.
- 19.8 Usul hendak melantik Jawatankuasa Pilihan.
- 19.9 Usul hendak menggantungkan keahlian seseorang ahli.
- 19.10 Usul hendak membatalkan undi seseorang ahli.
- 19.11 Usul hendak menggantungkan kuatkuasa sesuatu Peraturan Persidangan.
- 19.12 Usul hendak mengeluarkan orang-orang luar.
- 19.13 Usul hendak menutup perbahasan.
- 19.14 Usul supaya rayuan itu dibaca, dicap atau diedarkan kepada Jawatankuasa Pilihan.
- 19.15 Usul supaya Jawatankuasa Pilihan diedarkan kepada jawatankuasa sesebuah Persidangan.
- 19.16 Sesuatu usul yang didatangkan tatkala bersidang secara jawatankuasa.
- 19.17 Usul meminda peringatan.
- 19.18 Usul meminda cadangan.
- 19.19 Usul supaya bersidang dalam jawatankuasa.

20. PINDAAN USUL

- 20.1 Pada masa sesuatu usul itu dalam pertimbangan Persidangan atau jawatankuasa bolehlah dicadangkan pindaan-pindaan jika itu berkaitan

dengan usul itu.

- 20.2 Pindaan itu pula dipinda jika berkaitan dengan pindaan asal.
- 20.3 Sesuatu masalah, apabila dikemukakan oleh Pengerusi, bolehlah dipinda menurut semua atau mana-mana jua cara yang tersebut di bawah ini:-
 - 20.3.1 Dengan dipotong apa-apa perkataan supaya dapat dimasukkan perkataan-perkataan lain.
 - 20.3.2 Dengan dipotong apa-apa perkataan.
 - 20.3.3 Dengan dimasukkan atau ditambah perkataan-perkataan lain.

21. MENYOKONG USUL DAN PINDAAN.

- 21.1 Dalam Persidangan sesuatu usul atau pindaan itu tidak akan dikemukakan oleh Pengerusi kecuali jika usul atau pindaan itu telah disokong.
- 21.2 Dalam persidangan Jawatankuasa, tidak dikehendaki penyokong usul.

22. PINDAAN USUL DENGAN BERTULIS

Sesuatu pindaan usul yang telah dikemukakan dalam Persidangan atau dalam jawatankuasa, hendaklah diserahkan kepada Setiausaha kecuali jika Pengerusi membenarkan sebaliknya.

23. MENARIK BALIK USUL

- 23.1 Sesuatu usul atau pindaan jika diminta oleh pencadangnya dan diizinkan oleh Persidangan atau jawatankuasa boleh ditarik balik.
- 23.2 Apabila pindaan ke atas sesuatu usul atau pindaan telah dikemukakan kepada Persidangan maka usul atau pindaan yang hendak dipinda itu tidak boleh ditarik balik sehingga pindaan kepada usul atau pindaan ke atas pindaan itu telah diputuskan.

24. PERKARA-PERKARA YANG DITEGAH

Seseorang ahli tidak boleh menyentuh dalam ucapannya perkara-perkara yang tersebut di bawah ini :-

- 24.1 Perkara-perkara yang tidak berkaitan dengan usul.
- 24.2 Perkara-perkara yang sedang dalam perbicaraan mahkamah.
- 24.3 Membangkitkan semula apa-apa perkara yang telah diputuskan oleh Persidangan kecuali dengan mengemukakan usul bersendirian bagi membatalkan keputusan Persidangan berkenaan dengan perkara itu.
- 24.4 Menggunakan bahasa yang kasar, tidak beradab mengikut pertimbangan Pengerusi.
- 24.5 Mengeluarkan sangkaan jahat ke atas lain-lain Ahli.
- 24.6 Mempengaruhi Persidangan dengan menggunakan nama DYMM Seri Paduka Baginda Yang di-Pertuan Agong, DYMM Raja-Raja atau Yang Dipertua Negeri-Negeri.

PERATURAN PERSIDANGAN

- 24.7 Menyentuh keperibadian DYMM Seri Paduka Baginda Yang Dipertuan Agong, DYMM Raja-raja, Yang di-Pertuan Agong, Yang Dipertua Negeri-negeri, Hakim-hakim atau Ahli Majlis Pasukan Bersenjata kecuali dengan mengemukakan usul bersendirian bagi maksud-maksud itu.
- 24.8 Menyebut kelakuan atau sifat lain-lain ahli selain daripada kerja-kerjanya mengenai urusan parti.
- 24.9 Menggunakan perkataan-perkataan yang bersifat menderhaka kepada negara dan yang boleh menimbulkan perasaan bermusuhan-musuhan di antara kaum di Malaysia.

25. KUASA PENERUSI

- 25.1 Pengerusi Tetap hendaklah menjalankan tugas secara adil dan berkecuali, jika tidak tindakan disiplin akan diambil.
- 25.2 Pengerusi dalam persidangan jawatankuasa adalah bertanggungjawab menjaga Peraturan Persidangan atau persidangan jawatankuasa dipatuhi dan keputusan berkenaan dengan apa jua perkara tidak boleh dipertimbangkan semula dan tidak boleh diulangkaji oleh Persidangan kecuali dengan dikeluarkan usul bersendirian kerana itu. Usul demikian ini tidak berkehendak dikeluarkan pemberitahu lebih dahulu.
- 25.3 Dalam masa persidangan Pengerusi berkuasa memerintah mana-mana wakil yang degil atau tidak patuh kepada arahnya atau yang membuat kacau-bilau keluar persidangan untuk tempoh baki hari itu dan jika wakil itu enggan keluar, maka Pengerusi berkuasa memerintah pegawai-pegawai atau kakitangan Parti yang berada di dalam Persidangan itu membawa wakil itu keluar.

26. MEMBERHENTIKAN PERSIDANGAN

Jika sekiranya berlaku huru-hara yang besar dalam Persidangan maka Pengerusi boleh menangguhkan Persidangan dan menentukan tarikh menyambung semula Persidangan itu.

27. MEMUTUSKAN MASALAH PENGUNDIAN

- 27.1 Tertakluk kepada Peraturan 27.2 dan 27.3 keputusan atas satu perkara atau usul yang dikemukakan adalah mengikut pihak mana yang mendapat suara lebih dan jika sama banyak undi maka Pengerusi atau sesiapa yang mempengerusikan Persidangan bolehlah menggunakan undi pemutus tetapi ia tidak boleh mengundi jika undi kedua pihak tidak sama banyak.
- 27.2 Jika didapati ada undi yang sama banyak bagi pemilihan jawatan di sebarang peringkat (tidak termasuk pemilihan Presiden dan Timbalan Presiden) pengundian kali kedua hendaklah diadakan bagi mereka yang berkenaan dan sekiranya pengundian kali kedua juga sama banyak maka cabutan undi hendaklah dijalankan oleh Pengerusi dalam menentukan keputusan.
- 27.3 Seorang ahli yang tidak hadir dalam tempat Persidangan tidak dibenarkan

- mengundi dan tiap-tiap ahli adalah mempunyai satu undi.
- 27.4 Sesuatu perkara itu adalah selesai dikemukakan bagi diputuskan apabila Pengerusi telah mengambil undi-undi yang bersetuju dan yang tidak bersetuju.
 - 27.5 Apabila perkara itu telah dikemukakan oleh Pengerusi kepada Persidangan bagi diputuskan setelah tamat perbahasan maka keputusan hendaklah diambil menurut undi suara “setuju” atau “tidak” dengan mengangkat tangan dan keputusan itu hendaklah diumumkan oleh Pengerusi.
 - 27.6 Undi sulit di atas sebarang usul yang dikemukakan boleh diadakan dengan kehendak Pengerusi atau dengan kehendak Persidangan.

28. KAEDAH PENCALONAN DAN PENGUNDIAN

A. Pencalonan

- 28.1 Sebuah Jawatankuasa Pemilihan yang bebas hendaklah ditubuhkan selaras dengan Fasal 10.15 Perlembagaan UMNO, untuk mengendalikan pemilihan bagi jawatan-jawatan yang dipertandingkan.
- 28.2 Tertakluk di bawah Fasal 6.3.4 Perlembagaan UMNO dan Peraturan 28.13, hak seseorang untuk dicalonkan tidak boleh dinafikan. Jika seseorang itu tidak bersetuju dirinya dicalonkan bagi sesuatu jawatan, ia tidak boleh dipaksa menerima pencalonan.
- 28.3 Mana-mana ahli yang tidak dapat menghadiri Persidangan semasa pemilihan berlangsung kerana sebab-sebab tertentu, adalah layak bertanding setelah memberi surat menyatakan persetujuannya.
- 28.4 Ahli-ahli yang dicalonkan untuk bertanding hendaklah ada cadangan dan sokongan secara bertulis kepada Pengerusi Persidangan. Pencalonan hanya boleh ditutup apabila nama-nama calon dibaca dan Pengerusi Persidangan berpuas hati setelah semua ahli-ahli yang ingin bertanding sudah dicalonkan.
- 28.5 Pencalonan Ahli Majlis Tertinggi hendaklah dibuat dalam mesyuarat Perwakilan Bahagian manakala pencalonan Ahli Jawatankuasa Bahagian dan wakil-wakil Bahagian ke Perhimpunan Agung hendaklah dibuat dalam Persidangan Cawangan.
- 28.6 Pencalonan Ahli Majlis Tertinggi oleh Perwakilan Bahagian dan Pencalonan Jawatankuasa Bahagian oleh Persidangan Cawangan hendaklah mengikut jumlah yang dikehendaki bagi sesuatu jawatan.
- 28.7 Dalam penyenaian calon-calon di peringkat Bahagian, hendaklah mengikut kaedah yang dipakai oleh Majlis Tertinggi berdasarkan cabutan undi yang dibuat terlebih dahulu oleh Jawatankuasa Pemilihan.
- 28.8 Cadangan nama calon-calon hendaklah tidak berdasarkan kumpulan dengan satu-satu kumpulan itu mempunyai senarai calon-calon masing-masing. Cadangan-cadangan hendaklah dibuat satu demi satu, demikian juga cara pengundian.

B Pengundian

- 28.9 Pemilihan Ahli Majlis Tertinggi dan Jawatankuasa Bahagian hendaklah dijalankan dengan cara sulit manakala pemilihan bagi Jawatankuasa Cawangan bolehlah secara sulit atau mengangkat tangan.
- 28.10 Tiap-tiap ahli yang mengundi diwajibkan mengikut jumlah bilangan jawatan sebagaimana yang dikehendaki oleh Perlembagaan UMNO. Undi-undi yang tidak cukup atau lebih daripada bilangan jawatan yang dikehendaki itu dikira tidak sah.
- 28.11 Wakil-wakil Majlis Tertinggi ke Perhimpunan Agung Pergerakan Pemuda/Wanita, wakil-wakil Bahagian ke Perwakilan Pergerakan Pemuda/Wanita Bahagian dan wakil-wakil Cawangan ke Persidangan Pergerakan Pemuda/Wanita Cawangan adalah berhak mengundi.
- 28.12 Seseorang ahli yang tidak hadir di tempat Persidangan tidak boleh mewakilkan undinya kepada ahli lain.
- 28.13 Seseorang yang dikenakan tindakan di bawah Akta Pertubuhan atau diisytiharkan muflis oleh mahkamah atau dikenakan hukuman disiplin oleh Parti tidak dibenarkan bertanding untuk sebarang jawatan.
- 28.14 Seseorang ahli yang jawatannya lucut kerana diisytiharkan muflis oleh mahkamah tidak boleh memegang jawatannya kembali sehingga pemilihan akan datang, walaupun kesnya selesai.
- 28.15 Pengiraan undi hendaklah dibuat di satu tempat yang ditetapkan oleh Jawatankuasa Pemilihan dan tiada sebarang pihak yang lain berhak mencampuri urusan ini selain disaksikan oleh wakil-wakil calon yang bertanding.
- Bagi pemilihan Jawatankuasa Cawangan, pengiraan undi bolehlah dilakukan dalam dewan Persidangan.
- 28.16 Kertas-kertas yang sudah dipakai hendaklah disimpan oleh Jawatankuasa Pemilihan selama satu bulan untuk tujuan semakan jika timbul kemusykilan dan boleh dimusnahkan setelah tamat tempoh tersebut.

29. BERSIDANG SECARA JAWATANKUASA

- 29.1 Persidangan boleh bersidang secara jawatankuasa apabila dipersetujui oleh Persidangan berbuat demikian.
- 29.2 Peraturan ini hendaklah dijalankan pada kadar yang boleh dalam masa bersidang secara jawatankuasa.
- 29.3 Setiausaha atau seorang daripada Ahli Majlis Tertinggi hendaklah memaklumkan kepada Pengerusi Persidangan bahawa perkara Persidangan secara jawatankuasa telah sempurna dibahaskan sama ada berpinda atau tidak dan Pengerusi hendaklah mengumumkan Persidangan penuh disambung semula.

30. MENGANGKAT JAWATANKUASA PILIHAN

- 30.1 Sesebuah jawatankuasa bolehlah dibentuk dengan dicadangkan bilangan dan nama-nama oleh Persidangan untuk merundingkan sesuatu perkara khas.
- 30.2 Jawatankuasa itu boleh dibentuk pada sebarang masa sama ada dalam bersidang secara biasa atau secara jawatankuasa.
- 30.3 Penyata sesebuah jawatankuasa itu hendaklah dibentangkan oleh Pengerusinya atau wakilnya dan bolehlah didatangkan cadangan supaya dibahaskan untuk mendapat keputusan Persidangan.

31. MEMBERHENTIKAN SEMENTARA KUATKUASA PERATURAN

- 31.1 Peraturan ini boleh digantung kuatkuasanya dan diberhentikan sementara dengan sesuatu cadangan yang dipersetujui oleh Pengerusi dengan tidak payah diberitahu terlebih dahulu dengan syarat cadangan itu hendaklah dipersetujui oleh Persidangan.
- 31.2 Sekiranya cadangan itu dipersetujui oleh Persidangan maka Peraturan ini hendaklah diberhentikan kuasanya selama tempoh yang perlu bagi menyempurnakan tujuan cadangan itu.
- 31.3 Cadangan bagi menggantungkan kuatkuasa Peraturan ini tidak boleh dibahaskan.

32. PAKAIAN

Majlis Tertinggi berkuasa membuat peraturan mengenai pakaian ahli-ahli Persidangan.

33. AHLI/PEGAWAI KERAJAAN KUMPULAN A

Merujuk Fasal 6.3.4 Perlembagaan UMNO, adalah dengan ini Ahli/Pegawai Kerajaan Kumpulan A dibolehkan/dibenarkan bertanding sebarang jawatan dalam parti. Walau bagaimanapun ahli/pegawai tersebut hendaklah menanggung risiko dari jabatan/kementerian hasil dari pertandingan tersebut.

34. MEMINDA PERATURAN

Peraturan Persidangan yang baru bolehlah diperbuat bila-bila dikehendaki ataupun Peraturan Persidangan yang ada sekarang boleh dipinda atau dimansuhkan dengan satu ketetapan menurut cara-cara yang ditentukan oleh Perlembagaan UMNO.